

مهرجان الانتصار السبت 21 أيار 2022

قلنا لهم "تعوا انتو ومالكم السياسي واعلامكم المدفوع، والدول يَلّي داعمكم، تعوا واجهونا نحنا العزّل الآ من كرامتنا وشعبنا الواثق فينا". سمعوا مَنّي، اجوا كلّهم، وواجهونا وانتصرنا عليهم.

رفاقنا بالتيار الوطني الحر، والطاشناق،

يا ابطال لبنان،

تحية كبيرة لكم، ومحبة اكبر، وكلّ الشكر والتقدير؛

- التقدير لكلّ يَلّي صمدوا بوجه التضليل والتشويه والتنمير. تنمّروا عليكم 30 شهر، نمّرتوا عليهم بالصندوق بنهار واحد قدّن كلن.

- التقدير لكلّ يَلّي تغلبوا على زعلم وخبيثهم، حرّضوكم وحملونا المسؤولية، رفضتوا الظلم وصوّتوا صح للتيار.

- التقدير لكلّ يَلّي حافظوا على كرامتهم وحرّيتهم وما باعوا صوتهم./ حاولوا يشتروكم برخيص مهما دفعوا غالي، قاومتوا وما وقعتوا.

- التقدير لكلّ يَلّي ترشّحوا وما فرق معهن اذا بيخسروا./ كان همهم اتو بمشاركتهم، يربّحوا التيار.

- التقدير لكلّ التياريين يَلّي ترشّحوا بالنظام وما توفّقوا بس التزموا بالمناقبية الحزبية وتكرّموا، والأسف ليَلّي ما التزموا وتبهدلوا.

- التهنة لكلّ الناجحين يَلّي عملوا شغلهم صح وفهموا اتو المقعد جابوه للتيار وللتكتل، مش الهم.

- الشكر لكلّ يَلّي انتخبوا معنا أو ضدنا، واجبنا نعطيهم الاحساس انا عم نمثّلهم بأعمالنا.

- الشكر لأهلنا بكلّ المناطق وخصوصاً المسنين يَلّي حملوا معهم ثقل عمرهم ليصوّتوا لنا، وبخصّص عكار يَلّي عطيتنا

4 نواب بيعكسوا تنوّعها بمذاهبها الأربعة، وبدي خصّص الطائفة العلوية يَلّي عطيتنا 4000 صوت لمرشح من التيار ما حدا فرضه علينا وعلى أهلها، هني اختاروه وهني اعطوه.

- الشكر للأجهزة الأمنية والقضائية والإدارية، ولوسائل الاعلام المناضلة للحق وعلى رأسها ال OTV (صوت المدى و Tayyar.org). يَلّي من زمان بيشتغلوا وبيضحوا للقضية، مش للمال.

احبائنا ورفاقنا، بعتر من كلّ يَلّي قصرنا معهم بسبب الظروف الاستثنائية يَلّي مرّت علينا، ورغم هالشي واجبنا نصحّح.

وبعتر من الخايب املهم لأن ما قدرنا حقّقنا بال 6 سنوات كلّ احلامهم. حاولنا كلّ شي بس كانت المنظومة أقوى منا.

نحننا مضطرين نشغل معهم لأتو الناس اختارتهم بالانتخابات، بس نحننا مصمّمين نكمّل وننجح طالما عم تعطونا ثقتكم.

يمكن غلطنا باختيار بعض يَلِي كلفناهم بمسؤوليات داخل التيار وداخل الدولة، وغلطنا بالآمال الزائدة يَلِي حطيناها ببعض المواقع وبيعص يَلِي تفاهمنا معهم، بس اكيد، ما خذلناكم بأخلاقياتنا ووطنيتنا. هاجسنا دايماً ننجز اكثر ما نحكي، بالوقت يَلِي معظم الناس بلبنان يتتخذ بالحكي الحلو مش بالشغل المنيج. قَصَرنا بالاعلام بس هيدي قدرتنا.

حزين على جزين الجريحة يَلِي انسرق تمثيلها، وانا قلبي جريح معها. كنت متخوّف نوصل لهون من ورا التماذي بالأنانية ومن ورا الحصار يَلِي تعرّضنا له. بعدنا الأول فيها، وجزين بتبقى قلعة عونية، والطعنات يَلِي تعرّضنا لها عم نجمع عناصرها لنردّها بطعن.

بالآخر بدّي اعتذر من كلّ يَلِي توهّموا باسقاطنا وبإسقاطي انا شخصياً، عن جدّ ما كنت بريد اتسبّب لكم بصدمات ولا وهلات ولا هزّات، وانا ما بريد انكم تضبّوا شنت وتقلّوا لأن بدّنا نعيش سوا. هيدا كلّه لأن فكرتوا غلط وحسبتوا غلط وتمولّتوا غلط لشي اكبر من اموالكم (يَلِي استثمروا فيكم، ما طلّعوا بالرسمال). نبّهناكم أنّو التيار ما بيخلص، ما صدّقونا. هلّق صدّقوني، احسن ما تتفاجأوا بصدمات اكبر.

حكيتكم يا لبناني عن خمس كذبات. تأملوا بكلّ واحدة منها بتعرفوا وين صرنا: 1 - الأكثرية. وينها؟ وبكرا بتشوفوا بالممارسة. 2 - الاحتلال الايراني. كيف؟ وبكرا بتابعوا مواقفنا. 3 - كتلة التيار هي لحزب الله. اسمعوا ديفيد هيل وشوفونا بالمجلس والحكومة. 4- الصرف الانتخابي: ضلّ حدا منكم ما عرف بحدا دفع او قبض؟

5 - انخفاض الدولار. وين؟ ما قالوا بس يربحوا بينزل الدولار، وهن عم يدّعوا انهن ربحوا، طيب وين صار الدولار طلوع؟ او ما ربحوا حتّى عم يطلع؟ بالحالتين كذب، لا هنّ ربحوا، ولا الدولار نزل. القصة مش هون... القصة اكبر! صدّقوا!

احبائي،

هالتجربة الانتخابية بتعطينا كثير عبر، بذكر بعضها:

1 - التيار اكبر من اي واحد فينا: كل منتسب للتيار بيعتبر حاله اكبر من التيار، او بيتشاطر ليميّز حاله عن التيار ويتذاكى على الرأي العام، او بيضهر من التيار ليعمل انتخاباته، وبعدين يرجع! الرأي العام والتيار حاسبه. يَلِي بيطلع من التيار بيبرد، اهل التيار بيعرّوه من الأصوات، وبيطلع مظّلّ ومشّرح بكم صوت. الامثلة قدّامكن كثيرة من كسروان، للمتّن، لبعبداء، للشوف وببيروت وغيره. انشا الله يكونوا تعلّموا يَلِي كان بعدهم عم يفكّروا فيها...

2 - الخيانة آخرتها وخيمة: قليلي الوفا كثار، وكلّ واحد غلّط معنا وتعامل بقلة اخلاق، او تصرّف على اساس انا انتهينا وما عاد بدّو يتعاون معنا، او صار يتعطى بفوقيّة على اساس صرنا ضعاف وبنهاية عهدنا؛ الناس ونحنا حاسبناه.

عدّوا: من يَلِي التزموا معنا بعكّار وغيرها وهربوا، من يلي بطرابلس المنية الضنية حسبوها غلط واختاروا غيرنا علينا، ليَلِي بالشمال الثالثة وببيروت الأولى وزحلة وكسروان وغيرها هربوا منّا بسبب تفاهمنا مع حزب الله، ليَلِي طعنونا بتأليف

اللوائح بالمتن وبالشوف وعاليه وبجزين... كلهم اكلوا نصيبهم وبتعرفوهم واحد واحد، وأولهم رأس الخيانة بالبقاع الغربي، صار متيلة لكل يلّي بيضهروا من بيئتهم وبيصيروا "مستولدين بكنف الآخرين"، / بيئتهم بتلفظهم والبيئات الثانية بتعرف اتن مش أهل للثقة لأتن غدروا بأهلهم يلّي احتضنوهم!

يا صغار السياسة، يا متلونين، يا حربايات، يا اصحاب المصالح المتقلّبة، يا مراهنين على زعامة أو رئاسة كتلة، انكشفتوا انتو وكتلكم الوهمية وين ما كان، من كسروان، لرحلة، لزغرتا، / وأكيد ما بقصد بكلامي سليمان فرنجية يلّي مهما اختلفنا معه، بيبقى اصيل.

3 – قانون الانتخاب: انا ما بستحي أنّي مساهم اساسي بقانون الانتخابات الحالي المعمول على قياس لبنان، لا على قياسي، ولا على قياس التيار، والبرهان النتائج يلّي توزّعت على الكل. القانون هو على قياس نظامنا وتركيبتنا الطائفية، وانا مش مستعد اتخلّي عنه الا اذا في افضل منه لتحسين تمثيلنا، او اذا انتقلنا فعلاً للدولة العلمانية (ساعتها منروح على الدواير الكبيرة بالنسبية). غير هيك، نحن متمسكين بالقانون وخاصةً باقتراع المنتشرين لنوابهم الـ 6 (وبعتقد الكل عرفوا قيمتها)، واعتماد البطاقة الممغنطة والميغاسنتر، ومستعدين لتحسينه، وتحديدًا في امر اساسي رفضوه سنة 2017، بالرغم من اصراري عليه. اليوم الكل اكتشف، اّو مطلبي كان محق وهو الزامية حصول المرشّح على عتبة حد ادنى من الأصوات التفضيلية حتى ينجح. يعني مثل ما في حاصل انتخابي للائحة، يكون في حاصل تفضيلي للمرشّح، وما يعود ينجح بعشرات او مئات الاصوات بينما منافسو بيسقط بالألوف!

يا كل اللبنانيين،

في قراءات انتخابية كثيرة، وكلّ واحد بيشوفها بضيعته او دايرته او طايفته، بس في اشياء جامعة لكل اللبنانيين ولازم نتوقّف عندها واهمّها:

1 – الوضع السياسي السني مش سليم، صحيح نحنا مع التنوّع ومش مع احتكار فريق لطائفة، ولكن التشرذم بهالشكل خطير. / ممنوع الاحباط والمس بحقوق هالطائفة المؤسسة والهيمنة على قرارها، ونحن الى جانبها.

2 – الوضع الشيعي بعدو متماسك بالرغم من التحريض لإختراقه بأمر عمليات خارجي عبّر عنه شينكر بلوم ونعاه هيل بحكمته. صحيح نحنا مع التنوّع داخل الطائفة الشيعية ولكن مش مع التآمر لضرب وعزل مكّون اساسي. لهيك نحنا ساهمنا بمنع الاختراق وتحديدًا بالمقعد الشيعي بجبيل، وهّتي ساهموا بمنع حصارنا الانتخابي. منذكّر اّو عزل اي مكّون هو ضرب للبنان، بالمقابل، الإمساك بالقرار الشيعي ما ببشرّع الامساك بالقرار الوطني.

3 – الوضع الدرزي منتعاطى معه باحترام ارادة ابناءؤ والتطلّع دايماً للشراكة الصادقة والمتوازنة معهم. ولكن ما بيجوز تجاهل التحوّل يلّي صار بالمزاج الانتخابي عنده، ولا بيجوز تجاهل موقع ووزن يلّي سقطوا بالأرقام مش بالقيمة. (ولو غلطوا معنا).

4 – الوضع العلوي ما يبجوز استمرار التعاطي معه بدونيّة وبأقل من حقوق كاملة، نحنا معهم مثل ما هني (رح يكونوا) معنا.

5 – الوضع المسيحي زاد فيه التنوّع لدرجة كثيرة، وبعدين منحكم اذا هالشي مفيد او لا. المنيح اتو القانون امّن حسن تمثيلهم، نحنا بحجمنا الأكبر رح نبقى المدافعين عن الحقوق والوجود والدور. كل واحد لازم يكون اخذ عبرة من اتكاله على الخارج، وعلى المال، أو على الغاء غيره، أو على تكبير حجمه... الشغل للقضية بيحدّد مين المستحقّ. بتبقى القراءة الأهمّ هي تملل كل اللبنانيين، والمشاركة المنخفضة (41%) يّلي بتمس بشرعيّة الانتخابات، هي والمال السياسي، بس ما بتلغيها، وهون مسؤوليتنا كلّنا بالمعالجة.

رفيقاتي ورفاقي التياريين،

اكيد اتو ارقام التيار والتكتل انخفضت من 2018 للـ 2022 والدليل الأوّل هو اتو كّنّا 29، صرنا 21 (ومع الطعون متوقّع نصير فوق الـ 23).

الأسباب كثيرة:

أولها حالة التملل الشعبي وهيدا شي طبيعي بعد انهيار البلد. حدا كان معتقد اتو الناس بتفقد كلّ اموالها وبتتبهل وما بتتذمّر؟ او ما بتحمّلنا المسؤولية، ولو ظلم؟

ثانيها الفرق بين أوّل العهد وآخره وهيدا كمان طبيعي مع اتو عهدنا مع الناس ما بيخلص.

ثالثها التحريض الإعلامي وتشويه الصورة والإغتيال السياسي غير المسبوق بلبنان ويمكن بالعالم كلّ.

رابعها الحلفاء يّلي صاروا بـ 2022 اقلّ بكثير من 2018، وبصراحة بلاهم أريح لأنّ تركونا بنص الطريق ويّلي متلهم بيعيدوها. على كل حال، نواب التيار الملتزمين كانوا 12 بالـ 2009، صاروا 18 بالـ 2018، واليوم 17 (ورح يزيّدوا بالطعون) ومنضّل اكيد اكبر كتلة حزبيّة إلا اذا حدا بيحبّ يغلّط بالعّد من جديد.

وخامسها هو المال الانتخابي السياسي، يّلي له الأثر الأكبر ويّلي هوّي سبب اساسي للطعن بشرعيّة الانتخاب وتحوير إرادة الناس واستغلال حاجتهم لسرقة صوته...

ويّلي بدو يعدّ اصوات تفضيليّة متقاربة بعكس ما عم يكذبوا حتى يعتدّ بتمثيل افضل للمسيحيين، خّليه يخصم اصوات غير المسيحيين يّلي اجوا بالمال ومش بالقناعة السياسية، وسمحولوا، ياخذ بمعونة اضافية، مقاعد اضافية،/ بجزين وزحلة وببيروت وطرابلس والبقاع الشمالي./ بالمقابل نوابنا نجحوا بأصواتنا التفضيليّة من دون الحاجة لدعمهم بأصوات اضافية لحتّى ينجحوا. كمان لازم يخصم اصوات المسيحيين الموسمين يّلي اجوا بشراء الأصوات وبخرق السقوف المائيّة كلّها وبصرف إنتخابي تخطّي كلّ حدود الاخلاق والمنافسة الشريفة (لو كانوا شرفا بيواجهونا بتكافؤ الإمكانيات – مش مثل يّلي محصّن بالدبابة وعم يقاتل انسان عاري الصدر).

بكل الأحوال، يَلِيّ عم يحكي عن الصوت التفضيلي بتردوا عليه "بالمال التفضيلي"؛ هيدي مش اصوات تفضيلية هيدي اموال تفضيلية. بكر ا بتروح الأموال وبترجع لنا الأصوات. وبتبقى الحقيقة الثابتة يَلِيّ هي انتوا... ما بتلغوا وما بتتغيروا. والحقيقة اّو نحنا الكتلة والتكتل الأكبر بمجلس النواب. رح بتشوفوه عم يكبر. / عند الحاجة منعن عنه، او بيعبر عن حاله. وبذّكن الصراحة؟ انا مش زعلان اّو يصغر، ولا اّو ما نكون اكبر كتلة بالعدد (ما جرّناها!). خَلّهم يكونوا اكبر! قولكم بيتحمّلوا شي مرّة المسؤولية؟ لنشوف شو بيطلع منهم! نحنا سجّلنا النصر الانتخابي وحفرناه بالتاريخ وختمناه. وبعد هيك، مش مهمّ الاّ شو منقدر نعمل للبلد (بنايب او ب 25).

أهلي ورفاقي،

من بعد اليوم نحنا منوّف العدّ، بتطلع الأرقام الصحيحة وبتبيّن الحقائق، ومنقّدم الطعون اللازمة لأن ما بيجوز نمزّق فضيحة شراء الأصوات والضمان. هَنّي يَلّي وضعوا سقف المعركة بإنهائنا وإسقاطنا. هَنّي يَلّي قالوا "ما بقى في شباب بالتّيار"، "وما بقا في تيار"، "وباسيل ما بقا يعمل ناطور ببناية او مختار بالبّتون"، هَنّي يَلّي بدّن ما يوقّفونا على اجرينا، ويحطّونا بالطابق 17 تحت الأرض – نحنا معوّدين نقعد فوق الأرض. هَنّي افتكروا يدفنونا، مش عارفين اّو نحنا شلش سنديان منشقّ الارض ومنوصل للسما.

عملوا كل شي حتّى يسقطونا.

كسّروا البلد وسرقوا الناس وزرعوا الكذب بعقولهم، وخلّوا قسم يصدّق اّو نحنا سبب المصيبة. المرتكبين الفعلين تخبّوا ورا الثورة النضيفة، والناس المظلومين، بدل ما يصبّوا غضبهم عليهم صبوه علينا وطيّروا فرصة التّغيير. عملوا كلّ شي، بس نجحنا! نجحنا وعلى اكتافنا حمل كبير، وبقلبنا غصّة على الناس يَلّي دفعوا ثمن المؤامرة. انتصرنا بس اي انتصار وبلدنا مهذّب وجودياً، اي انتصار وبكل بيت في كارثة ووجع؟ انتصرنا بس شو بدنا نعمل بالانتصار؟ جايين نحتفل مش لنعاتب او نبرّر، جايين نقول بكل شجاعة وايمان: البلد بخطر ومسؤوليّتنا كلّنا نخلّصه. ما حدا قادر يلغي حدا ولا حدا قادر يحكم لوحده، ولا حدا قادر يخلّصه لوحده. كلّ واحد بيعرف حجمه الحقيقي، وهيدا الجدل بعد اليوم ما له قيمة اذا ما خلّصنا البلد. شو مبرّر وجودنا واحجامنا وكتلتنا اذا ما وقّفنا الانهيار؟

بعد كم شهر بيخلص الاحتياطي بمصرف لبنان، وهو بالحقيقة ما تبقى من ودائع الناس، بيخلص وما بيعود معنا حق الطحين والدوا والبنزين والمازوت. هون التحدّي الحقيقي!

شو الها قيمة الانتخابات والحكومة والرئاسة اذا ما كانوا لإنقاذ البلد والناس من الجوع والفقر والمرض؟

انطلاقاً من هون منوّجّه نداء ومنمّد ايد لكل النواب يَلّي بيتشكل منهم المجلس الجديد، لنشتغل سوا ونقرّ القوانين الاصلاحية ونشكّل حكومة اصلاح، (ونترك الرئاسة لوقتها ولظروفها وما نخرّب البلد كرمالها)، وبدل النكد والتفشيل نحول الأشهر الباقية من ولاية الرئيس للشغل على محورين:

1- الحكومة والمجلس النيابي، نستفيد من وجود النواب الجدد وخاصةً من المجتمع المدني، ليتمثلوا بالحكومة ويتحمّلوا مسؤولية، ويشاركوا بإقرار القوانين الإصلاحيّة. وبكرا رح نبعثهم لائحة مفصّلة بكل القوانين الـ 299 يَلّي مقدّمينهم ككتنل من 2009 لليوم. يناقشوا ويعدّلوا شو ما بيريدوا، المهم أنّو نتعاون سوا ونكون سند لبعضنا بالاصلاح.

2 – بالتوازي، طاولة الحوار بيشارك فيها الكلّ بإرادتهم، قبل ما تجينا دعوة لمؤتمر بالخارج وينجبروا الكلّ يشاركوا فيه.

منعمل حوار داخلي حول كلّ المواضيع الخلافية من الاستراتيجية الدفاعية، للدولة المدنية واللامركزية الموسّعة ومجلس الشيوخ والنظام السياسي، حول الخيارات الاقتصادية والمالية، حول تحييد لبنان بإرادة ابنائه، حول النازحين واللاجئين، حول الحدود والغاز ومنحطّ سوا معادلة "لا غاز من كاريش من دون غاز من قانا".

مشاكلنا ما بتتحلّ لا بالعنف ولا بالنكد، بتتحلّ بالحوار. ويَلّي اوهموا الناس أنّها بتتحلّ بالانتخابات، كذبوا عليهم. نبّهناهم أنّو التغيير الكبير بدّو حوار. مواجهة الازمات الكبيرة بدّها جراءة ووقف المكابرة.

منتحاور لنلاقي حلول. وشو ما كانت الحلول، رح نضلّ عايشين سوا على مساحة 10452 كلم²، بلا اوهام التقسيم والفدرلة. كيف ما كان شكل النظام، الارض باقية ما بتتنقسم والناس رح يبقوا مرتبطين بروابط اجتماعية ومصالح اقتصادية. الأمن لكل الناس، والاستقرار والازدهار لكل الناس. الحرب والجوع والفقر بيصيبوا كل الناس – ما تسمحوا لحدا يردّنا على الحرب ويوصلنا على الجوع.

لبنان باقي محلّه. الأرض ما بتزيج، سوريا رح تضلّ جارتنا. يَلّي بيتغيّر هو طبيعة العلاقة، لا منقبل المس بسيادتنا ولا منريد نتدخل بشؤونها وبشؤون غيرنا. مطلبنا حسن الجوار واحترام متبادل للإستقلال، طموحنا المشرقية الاقتصادية، وتعاون بالاقتصاد وحماية بعضنا من مخاطر العدوان والارهاب.

شو ما كان نظامنا، طبيعة مجتمعنا ما بتقبل التسلّط والتفرد. الحرية هي اساس وجودنا، واحترام التنوّع وبناء المواطنة هو الهدف. ما حدا بيفرض على حدا نموذج العيش، وما حدا يهوّل على حدا... رح يضلّ لبنان على شرق المتوسط مفتوح على الغرب، ورح يضلّ دولة مشرقية امتدادها سوريا والعراق والاردن وفلسطين، وشراتها مع مصر والخليج ومداهها الأبعد تركيا وايران، وبدّنا نبني معهم كلّهم علاقات اقتصادية واحترام سياسي.

هيذا مشرونا وهيذا موقفنا. ما تسكّروا دينيكم، اسمعوننا وناقشونا، اختلفوا معنا بس ناقشونا بالعقل والمنطق، مش تقاثلونا بالغريزة والحقّد.

شعبنا كلّ على مركب واحد، ما تخلّوا العناد والمكابرة يغرقوا المركب.

شيلوا من راسكم فكرة الغائنا، نحنا ما حدا بيلغيها، ولا فينا ولا بدنا نلغي حدا. لا منظم ولا منقبل بظلم. نحنا قوايا بالحق، ودورنا نكون همزة الوصل وصلة التواصل. ورح نبقي تصالحيين واصلاحيين – ابناء الدولة المحميّة بالجيش القادر يستفيد من عناصر قوّة لبنان؛ ورواد الدولة المدنية المبنية على الاقتصاد الحر مش الاحتكار، على الانتاج مش على الدين.

أهلي اللبنانيين،

الاستحقاق الأهم هو وقف الانهيار وخطة الاصلاح، ولكن امامنا استحقاقات دستورية ملزمة (مثل الانتخابات)، ومفروض نمررها بسرعة وبهدوء، ولازم تكون مؤشّر لادراكنا أنّ الأمور تغيّرت.

الاستحقاق الأوّل رئاسة المجلس والادارة المجلسيّة. نحنا من جهتنا جاهزين لإلغاء الطائفية بالكامل، مش بس الطائفية السياسية. بس منفعهم أنّ مش وقتها اليوم. بس شو كان بيمنع التغيير من نفس الفريق؟ بالآخر هيدا قراركم ومنحترمه، بس شو بيمنع اعطاء فرص للآخرين برئاسة المجلس ونيابته طالما المقاومين والأوادم كتار؟ اذا في حدا بالغلط عم يفكر يقايننا رئاسة المجلس بنيابة الرئاسة، فهو غلطان ومسترخصنا! جرّبا نيابة الرئاسة بالمجلس، ومع احترامنا للموقع، عرفنا فعاليّته بظل الادارة المجلسية القائمة.

نحنّا أقلّ شي بينحكي معنا بإقرار اللامركزية الموسّعة، بالنظام الداخلي لمجلس النواب وبالتصويت الالكتروني من ضمنه، بفصل فعلي للسلطة التشريعية عن السلطة التنفيذية، التعاون ما بيعني الامساك الكامل بالأولى ومدّ الإيد على الثانية. نحنّا بينحكي معنا باسترداد الأموال المحوّلة للخارج، والتدقيق الجنائي والكابيتل كونترول وكشف الحسابات والأملاك، برفع الإيد عن القضاء بتحقيق المرفأ وغيره وغيره... وهول مش بس بالحكي والتعهدات لأن جرّبناها، ولا بالتواقيع الخطيّة لأن اختبرناها (بالمياومين وبالكابيتل كونترول)، ولا بالضمانات لأن ما حدا قادر يعطيها (في اكثر من المنتشرين والميغاسنتر). نحنّا ثمن صوتنا اكثر بكثير من نائب رئيس، والتياريين آمالهم اكثر بكثير من وعود، واللبنانيين من حقّهم التغيير واسترداد اموالهم المهزّبة والمنهوبة. الأزمة كبيرة، الانهيار ضخم، والإيّام تغيّرت، وما فينا نقبل بأقلّ من هيك. قادر يكون هيك؟

الاستحقاق الثاني السريع هو الحكومة. منرجع منذرنا باقتراحنا بتعديل دستوري بسيط بيعطي شهر واحد للرئيس لإجراء الاستشارات الملزمة، بيتّم خلاله التفاهم مع الكتل على شكل الحكومة ونوعها وبرنامجها، وهيك ما بيصير في مفاجآت؛ وكمان بيعطي الدستور رئيس الحكومة مهلة شهر للتأليف. هيك منضمن حكومة بسرعة. أمّا اذا عاندتوا مثل العادة ومن دون سبب، فهيدا بياكّد وجود نيّة (من رئيس الحكومة وغيره)، نحنّا لامسينها بوضوح، لعدم تشكيل حكومة وتجاوز

الدستور باعتبار الحكومة الحالية حكومة كاملة الصلاحيات. انتبهوا، هيدا بيسقط الطائف وبيخلّي كل موقع ومؤسسة دستورية قائمة من دون حدود زمنية. بالمقابل، نحنا بدّنا رئيس حكومة عنده شرعيته الشعبية ومرضى عنه من طائفته أوّلاً ومن مجموع اللبنانيين ثانياً، ومش من الخارج. حقّنا نعرف شكل الحكومة ونوعها، بغض النظر، اذا منشارك فيها او لا. واكيد منطالِب بإختصاصيين مدعومين سياسياً ليكون عندهم القدرة والمعرفة لحل المشاكل. وبدّنا يكون برنامجها واضح بالاصلاحات المعروفة ويّلي لازم استكمالها خلال الصيف. وفوق هيك بدنا نعرف موقف رئيس الحكومة من 3 قضايا:

1 – رفع الغطا والحماية منّو ومن وزير المالية عن رياض سلامة. ما فينا نؤعد الناس بالاصلاحات ورأس المنظومة المالية يّلي سرقتهُم باقي محلّو رغم عشرات الدعاوى ضدّو ومذكّرة توقيف بحقّه. هيدا كيف بدّو يضمن العملة الوطنية؟ وبالنسبة للبديل، الكفاءات المش حزبية كثيرة...

2 – الالتزام منه ومن وزير العدل ووزير المال بانهاء تحقيق المرفأ واصدار القرار الظني. (نحن هون على بعد امتار من موقع الانفجار يّلي دمرّ العاصمة وقتل وجرح الأبرياء، بدعيكم توقفوا للحظة صمت احتراماً لهم وكل منا على طريقتّه يصلّي او يتذكّر ويتأمل). الحقيقة مأسورة، التحقيق مأسور، القرار الظني مأسور، أهالي الضحايا مأسورين بحزنهم، الهيئة العامة للتميز مرسومًا مأسور عند وزير المال ومأسور معه مسار العدالة، والموقوفين اصبحوا مأسورين. نعم مطلوب فك اسرهم، بدري ضاهر ورفاقه الكتار اصبحوا اسرى وما عادوا موقوفين (بيكفي سنتين من التوقيف الاحتياطي).

3 – الالتزام بانجاز التدقيق الجنائي وين ما كان، وخاصةً بوزارة الطاقة – يمكن بعجّة الانتخابات ما سمعتوا تسجيل البواخر يّلي بيدحض كل كذبهم. اسمعوه! (وبعد في غيره اذا لازم)، والالتزام كمان بإعادة هيكلة المصارف، باستعادة الأموال المحوّلة، ومش شطب اموال المودعين.

الاستحقاق الثالث رئاسة الجمهورية صحيح مش مستعجل ولكن ما لازم يصير فيه فراغ. كثير رهانات سقطت بالانتخابات وكثير تكهنات طلعت مش بمحلّها.

تجنّب الفراغ بيبقى مضمون باقتراحنا بتعديل دستوري محصور بعملية الانتخاب، لتكون بشكل مباشر من الشعب وعلى دورتين، دورة عند المكوّن المسيحي ودورة ثانية لكل اللبنانيين، لضمان حسن التمثيل وقوة الموقع. ليش الهروب من رأي الناس ومحاولة المس بحسن تمثيل الموقع؟

بقول بكلمتين: الرئاسة مش اكلة طيّبة، ولكن منّها لقمة سائغة.

هيدي الاستحقاقات الثلاثة بتدلّ اذا في ارادة سياسية للتغيير او بعدنا على نفس النمط، وهون منتظر من العناصر الجديدة بالمجلس، موقفها وقدرتها على التعبير والتغيير. انا شفت مشاهد المقترعين، وشعرت بعطشهم للتغيير وتذكّرت ايام التظاهر ضد السلطة ... بتأمل كلنا نساهم بالتغيير.

التيار الوطني الحر،

انتو عن جدّ ابطال، تعرّضتوا لحرب كونية ما بيصمد بوجّها الاّ الأبطال. المؤامرة علينا بلّشت من زمان، وانا بدعي كل اللبنانيين يقرّوا المايسترو شينكر على رواق ليفهموا كلّ شي، ويشوفوا كيف اعترف انه اشتغل لانهيّار بلدنا، وابتسامته الساخرة هو وعم يحكي عن قرارهم بتخفيض تصنيف لبنان اصدق من اي كلام. هو مبسوط بعذاباتنا. وقرأوا ديفيد هيل يّلي حكي بملامة عن الحكاية الخيالية عند الاميركان بمعاقبة حلفاء حزب الله غير الشيعة لإضعاف بنية الحزب. رح ضمّ كلامهم على ملف المراجعة تبقي حول العقوبات.

التيار،

نحن صمدنا ومرة جديدة انتصرنا. حاولوا يدفنونا مش عارفين أنّا حبة القمح. التيار مش بس جسم، التيار روح، والروح ما بتموت.

بقينا، بس التحديات قدام التيار كبيرة بدّنا نتصدّى لها ونشتغل سوا لاستنهاضه:

1 – وصلت رسالة الغاضبين وبدّنا نسمعهم ونشرحهم أنّو المؤامرة مستمرة علينا. التياريين يّلي تركونا ما رح نتركهم ولو غلّطوا.

2 – المحاسبة بالتيار صارت ضرورية على كل المستويات ما منقدر نبقي محكومين بنظريّة أنّو ما فينا نخسر حدا، لأنّو كلفة بقاء البعض من دون محاسبة، صارت اكبر بكثير من كلفة خروجهم.

انا لا عملت ولا بعمل شي تحت الطاولة، كنت عادل مع الكل والتزمت بالتوجيهات يّلي عطيتها باللقاءات وبالاعلام... بس الديمقراطية والحرية لمّا بيزيدوا عن حدّن بيتحوّلوا لفوضى قاتلة.

ما بقى في مركز نيابي او وزاري او اداري محجوز لحدا. الكل عرضة للتغيير وحقّ الناس تطالب بالتغيير، خاصة اذا الأداء مش منيح. النواب هّتي موجودين بارادة الناس والتيار وبس!.

3 – الشباب لازم يستلموا التيار، شفنا بالانتخابات قديّ عندهم طاقات وقدرات ورغبة بالشغل. لازم ياخذوا محلّنا ونبلّش نحضّرهم لهاشي. المرأة لازم تاخذ موقعها بالنيابة والتيار مليان سيدات كفوّة وندي بستاني مش استثناء.

التغييرات المنتظرة كثيرة والتحسينات واجبة. انا بدعي الشابات والشباب يتقدّموا من اليوم، لياخذوا مراكز قيادية بالهرم الاداري بالتيار، وبدعيهم يتحضّروا من اليوم بكل المناطق للانتخابات القادمة بدءاً من انتخابات البلديات. يتقدّموا وانا لجانبهم.

شبابنا انتو الأمل، يمكن حمّلناكم كثير ألم، وحمّلنا كثير خيبات عنكم. جايتنا أيام صعبة، وبدنا نبقي مع الناس نحمل لهم الأمل ونحمل عنهم الألم.

بالختام منهدى نصرنا اليوم للعماد عون، ومنقلّه: ناضلت عنا وصار حقّك ترتاح ونحن نكمّل عنك. اشتغلت كفاية وتألّمت كفاية، تطمّن أنّو الشعلة بايديين التياريين يّلي ما بيعرفوا التعب ولا اليأس. انت زرعت فينا القضية وحمّلتنا المسؤولية ونحن قدّها.

نحن هون أجيالك،

كنّا ورح نبقي للبنان حرّ سيّد مستقلّ.

كنّا وبقينا ورح نبقي تيار ووطني وحرّ.

عشتوا، عاش التيار وعاش لبنان.